

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Allaffeqarfimmit paasissutissiineq

**Imm. 3.1 Kangerlussuarmi utoqqarnut inissiat, marluk 2021,
Suliariumannittussarsiuussinerup inernera, aningaasaliissutitut sinaakkutinik aaqqiineq.**

**Imm. 3.2 Teknikkeqarnermut Avatangiisinullu ataatsimiititaliamut januar- april
anigaasaqarnermut nalunaarusiaq – Ingerlatsinermi sanaartornermilu suliat**

**Imm. 3.3 Kangaamiut Atuarfianik nutarsaanissamut atugassatut siunnersuut,
anigaasaliissutininik iluarsiiisuteqarneq**

**Imm. 4.1 2023-mut missingersuutininut ukiunullu missiliuuteqarfiusunut missingersuutininut
kissaatit**

Imm. 4.2 Tulukkat, uumasut ajoqutaasut.

**Imm. 6.1 Maniitsumi Atuarfik Kilaaseqqap nutarsarneqarnissaanut sanaartornermut
pilersaarutip killiffianik paasissutissiissut.**

Imm. 08 Tamalaat

Ataatsimiinneq allartippoq nal. 12.30

Ataatsimiinneq naavoq nal. 15.20

Peqataasut:

Inuit Ataqtigiit

Nivi H. Efraimsen

Siumut

Gideon Lyberth

Barnabas Larsen

Aqqalu Skifte

Naleraq

Karl Lyberth

Nalunaaruteqarlutik peqataanngitsut:

Nalunaaruteqaratik peqataanngitsut:

Imm. 01 Oqaluuserisassat akuersissutigineri

Akuersissutigineqarput

Imm. 02 Allaffeqarfimmit paasissutissiineq

Sisimiut

Maj-imi allaffimmioq ataaseq napparsimaneq peqqutigalugu sulinngiffeqarpoq.

Sisimiuni ingerlatsinermut aqutsisumik pissarsiortoqarpoq.

Sarfanguani aqqusinilerisut aqutsisussaanik pissarsiortoqassaaq.

Itillimit eqqakkat Sisimiunut assartorneqarneri aallartinneqarput. Sarfanguani eqqakkanik assartuineq sikuerpat aallartinneqassaaq.

Kuuffiit sermiiarneqarput.

Puttasut iluarsanneqarput.

Miljøfondspulje-mit Itillimi ikuallaavik peerneqarnissaanut qinnuteqaat akuerineqarpoq.

Akiani meeqqerivik atoqqaartinneqarpoq. Silataani pinnguarterfiit aputaarutereerpat inaarsarneqassapput.

Nunagissaaneq A30 ukiuunerani uninngareerluni aallartinneqaqqippoq, qaartitserisoqarluni.

Nunagissaaneq C14-imi aputaarutereerpat juni-mi aallartisaqqinneqassaaq.

Maniitsoq

Miljøfondimut arsaattarfimmi gummigranulatit siaruartinnginnissaannut asfalteinissamut qinnuteqaat aningaasaliiffineqarpoq 200.000 kr-ingajannik. Kommunep 25% nammineq akilissavai.

Miljøfond-imiik Kangaamiuni ikuallaavikup piarneqarnissaanut tapiissutinik tunniussisoqarpoq. Atammimmi piiaaneq assigalugu suliarineqassaaq.

Napasumi kran-i ikkussuunneqarpoq.

Kuuffiit sermiiarneqarlutillu aputaajarneqarput.

Puttasut piareersarneqarput, qaanngoq peerpat aqqarneqassallutik.

Planchef aprilip 21-iniik 28-ianut tikeraarpoq kommuneplanimik suliaqartumik peqataanngitsoorpoq.

Sanaartukkat pissusissamisut ingerlapput. (12. pers. 30. sept. – fam. Center 30. juni – vej i kangaamiut 30. sept. – udvi. Af kirkegård 15. juni.) 21. maj Kangaamiunut tikeqqissapput.

Napasooq sulisussaqaarniarnikkut ajornartorsiuterujussuuvoq.

Imm. 3.1 Kangerlussuarmi utoqqarnut inissiat, marluk 2021, Suliariumannittussarsiuussinerup inernera, aningaasaliissutitut sinaakkutinik aaqqiineq.

Journalnr. 06.03.01, Suliniut 500005-003.

Tunuliaqutaq

9.9.2021-mi Teknikkeqarnermut ataatsimiititaliami kingornalu Aningaasaqarnermut ataatsimiititaliami aalajangiiisoqarnerata kingorna, Kangerlussuarmi utoqqarnut inissianik marlunnik sanaartornissamut, kommuni suliniut 500005-003: 2021 Ældreboliger –mut 4.698.750 koruuninik immikkoortitsinikuuvoq. Sanaartortitsisutut nassiussatut toqqavissamut atortussat ukioq kingulleq nassiunneqarput, toqqavialu maannakkut sanaartorneqareerluni.

13.4.2022-mi illut sanaartorneqarnissaannut suliariumannittussarsiuussisoqarpoq, entreprenørilla akikinnerpaamik neqerooruteqarnera aallaavigalugu, sanaartornissamut missiliuut A ilusilersorneqarpoq, takuuk ilanngussaq 1.

Maleruagassatigut tunngavigisaq

Karseqarnermut naatsorsuuserinermullu malittarisassat. Sanaartornermut tunngasut TA-mit akisussaaffigineqarput.

Pissutsit atuuttut

Namminersorlutik Oqartussat mittarfeqarfinnik annertuunik marlunnik sanaartornermik aallartitsinikummata, sanaartorneq annertuumik ulapaarfiuvoq, tamatumalu kingunerisaanik sanasutut ilinniarsimasunik sulisussarsiorniarneq ajornakusoorpoq, sanartornermilu atortut annertuumik akitsorsimallutik.

Atammimmi inuusuttut inissiassaannut pingasuusunut, 2022-mi martsimi suliariumannittussarsiuussinermi, nunaqarfimmi inissianik sanaartornissamut m2-imut akeq 53.882 koruuniuvoq.

Kangerlussuarmi inissianik sanaartornissamut m2-imut akimut 46.453 koruunimut, ungasianit kiassarnermut attavik kiisalu kuuffissuarmut attavilersinneqarneq ilaapput.

Atuilluartuunissakkut kingunerisinnaasa

Nunaqarfinni nammineq inissianik sanaartornissamut kreditforeninginit taarsigassarsinissaq pissarsiarineqarsinnaanngimmat, nunaqarfinni inissarsiortunut inissianik kommunip sanaartornera atuilluartuuneruvoq. Kangerlussuarmi inissarsiortut allattorsimaffianni ilaqtariit 40-t 2020-mi martsimi Ini-mit nalunaarsimasuutigineqarput.

Aningaasaqarnikkut allaffissornikkullu kingunerisinnaasai

AA-mit sanaartorneqartussatut kissaatigineqartut tassaapput, utoqqarnut inissiat 60 m2-imik annertussuseqartut ataatsimik sinittarfillit marluk, missiliuut A naapertorlugu 5,602 mio. koruuninik naleqartut. Taamaalilluni Suliniut 500005-003 Ældreboliger Kangerlussuaq 903.000 koruunit amigaatigineqarput. Aningaasat Suliniut 500005 Boligpulje i Man & Bygder – Fælles -nit nuunneqarsinnaapput, ilanngussaq 2-mi atuifimmut node-nik allassimasut.

sæt kryds										Ændringer i overslagsår		
Tillægs- bevil.	Omla- cering	Tekst	Afdeling	formål	art	sted	projekt gruppe	projekt nummer	Beløb, Oml. / tillæg	2021	2022	2023
	X	Boligpulje i MAN & Bygder - fælles	562040600	0301040000	322140700	010580	1-20-15	500005	-903.000			-903.000
	X	Ældreboliger 2021, Kangerlussuaq	562040600	0301045102	322140765	010580	1-55-00	500005-003	903.000			903.000

Allaffeqarfiup naliinnera

Nutaamik suliariumannittussarsiuussisoqarneratigut akikinnerusumik pissarsisoqarsinnaanissaa naatsorsuutigineqanngilaq, sanaartornermut atortussat akitsungaatsiarsimaneratigulli illuatungerluinnaanik pisoqarsinnaalluni.

Entreprenørimum akikinnerpaamik neqerooruteqartumik sipaarfiusinnaasunik

isumaqatigiissuteqartoqarnikuuvoq, sipaarfissallu missiliuut A-mut ilanngunneqarnikuullutik.

Sanaartornermut atortut naapertuutinnigitsumik ajornerulersinneqaratik, suliniummi annertunerusumik sipaarniarqarsinnaanngitsoq nalilerneqarpoq.

Entreprenørimit paasissutissiissutigineqarpoq, sanaartornermut atortussanik tikisitsiniarneq sapaatit akunnerinik tallimanik sivilissuseqartoq, Kangerlussuarmullu umiarsuarmik juunip aallaqqaataani 15-ianilu tikittoqartussaalluni. Taamaattumillu sanaartornermut atortussat piniarneqassappata aammalu Kangerlussuarmut umiarsuamut siullermut ilaatinneqassappata, taava kingusinnerpaamik 25.4 piniartoqartariaqarpoq, taamaaliornikkullu 2023-mi illut iserterfigineqarnissaminnut piareersinnaalissallutik. Kommunalbestyrelsi tulliani aatsaat 28.4 ataatsimiittussaammat, atortussat aasamut aatsaat tikinnissaat tikisinneqassanngippata, ataatsimiinnissaq utaqqineqarsinnaanngilaq, taamaattumillu TA 5.5.2022-mi ataatsimeereerpat borgmesterip aalajangiitinneqarnissaa pisariaqarluni.

Teknikkeqarnermut avatangiisinullu immikkoortortap innersuussutaa

Teknikkeqarnermut avatangiisinullu immikkoortortap Teknikkeqarnermut ataatsimiititaliamut aammalu Aningaasaqarnermut ataatsimiititaliamut kiisalu Kommunalbestyrelsimut innersuussutigaa:

Aningaasaqarnikkut kingunissat ataani allassimasutut ERP-mi Suliniummi 500005 *Boligspulje i Man & Bygder – Fælles-imit, 500005-003: 2021 Ældreboliger* – Kangerlussuaq-mut 2023-imi missingersuuteqarfiusumut 0,903 mio. koruunit nuutsinneqassasut.

Utoqqarnut inissiat marluk affarleriittut, 60 m²-mik annertussuseqarlutik ataatsimik sinittarfilittut suliniut, entreprenørimit akikinnerpaasumit sanaartorneqarnissaat aallartisarneqassasut.

Aalajangiineq:

Akuersissutigineqarpoq

Ilanngussat:

ilanngussaq 1: Missiliuut A 19.4.2022.

Ilanngussaq 2: ERP-mi suliniut 500005 aningaasanik nuutsinermi XL-tabeli atuiffinnut nodelik.

Imm. 3.2 Teknikkeqarnermut Avatangiisinullu ataatsimiititaliamut januar- april aningaasaqarnermut nalunaarusiaq – Ingerlatsinermit sanaartornermilu suliat

Journalnr. 06.01.02

ERP-mit paasisutissanit tigoqqaasartuusumit Power-Bi-mit kisitsit malillugit 2022-mi aprili qaammammut una nalunaarusiaavoq. Nalunaarutip matuma suliarineqarnerata nalaani 02-05-2022 tikillugu inississuinernik ilaqartillugu atuineq naatsorsorneqarnikuuvoq. Taanna aprilip naanera killerititatut ulluliullugu qaammatikkaanut pingasunut nalunaarusiaviunngilaq, tassa qaammatikkaani pingasuni isertitat ilanngunneqanngitsuussapput taamaalillunilu qaammatikkaanut pingasunut nalunaarusiaq eqqortumik takutitsisuussanani.

Sanaartornermut suliat april-ip qaammataanut naatsorsuutit tamakkeqqissaartumik aaneqarsinnaasimangillat, 2021-mi sanaartornermut aningaasat atunngitsuukkani nuutsitsinerit tamarmik suli ERP-imut ilangunniunngimmata.

Ingerlatsinermit kisitsisit pingaarnertit

Teknikkeqarnermut Avatangiisinullu immikkoortortami ingerlatsinermit immikkoortortami atuineq 39,75 procentimik annertussuseqarpoq, ukiullu qaammataani siullerni sisamaasuni aningaasannorlugu 24.341.373,63 koruuniulluni. Ilangussani 1-imi aamma 2-mi atuineq pillugu nalunaarsukkat sukumiisut atuarneqarsinnaapput.

Drift Samlet inkl. Brandvæsen	Oprindeligt Budget 2022	Omplaceringer 2022	Tillægsbevillinger 2022	Korrigeret Budget 2022	Realiseret beløb 2022	Forbrugs Pct 2022	Restbudget 2022
Drift Sisimiut	31.948.189,00		454.000,00	32.402.189,00	12.899.860,59	39,81%	19.502.328,41
Drift Maniitsoq	19.821.787,00			19.821.787,00	8.298.007,99	41,86%	11.523.779,01
Brandvæsen MAN & SIS	9.008.541,00			9.008.541,00	3.143.505,05	34,89 %	5.865.035,95
Total	60.778.517,00	0,00	454.000,00	61.232.517,00	24.341.373,63	39,75%	36.891.143,37

Sisimiuni Maniitsumilu ingerlatsinermit immikkoortortat

Missingersuut aallaavigalugu ukiup qaammataanni siullerni sisamani atuinermut procenti 33 %- imiittussaagalarpoq. Sisimiuni ingerlatsinermit tunngasuni atuinermut procenti 39,81%-imiippoq, tamanna naammaginatutut nalilerneqarpoq. Maniitsumi atuinermut procenti 41,86%-imiippoq, atuinerlu missingersuutit iluiniittutut nalilerneqarsinnaavoq.

Suliffeqarfinnut eqqagassanut anartarfilerinermullu akiligassat, eqqagassanut akitsuutit pilersuinermit isertitat qaammatikkaanut pingasunut tunngasut, qaammatip aprilip naanerani naatsorsuutitut allatorneqarput. Sulili inuinnarnit eqqagassanut anatarfilerinernullu akiligassat qaammatinut pingasunoortut, naatsorsuutitut ilanngunneqanngillat. Ikuallaaviup kiammik tunisai marts aprilimoortullu suli aamma naatsorsuutitut ilanngunneqanngillat, taamaammat atuineq annertunerusutut isikkoqarpoq.

Atuinnermut procentit eqqarsaatigalugit, immikkoortortanut missingersuutinin eqquingitsunut ingerlatsinnermut immikkoortortaq tulliuuttunik oqaateqaateqarpoq:

Sisimiut:

Aputaajaneg

Sisimiuni aputaajaanermut, assartuinnermut sikuujaanermullu atatillugu annertujaamik ingerlatsisoqarpoq, missingersuutit 83,3% procentii atorsimalereerlutik. Apummik assartuinnerit sikuujaanerillu kingulliit 2022-ip ukiuunerani ingerlanneqarsimalerput.

Sisimiuni 2021-2023-imi aputaajaasarnermut suliarinnittussarsiuussinnermi, suliffeqarfiutillip aputaajaanermut akunnermut akigititaanut akip qaffaassutaa 8% -iuvoq, tamanna akip qaffaassutaanik naatsorsorneqareersunut tunngatillugu 300.000 koruunit missaanniittunik atuinnerunissamik pilersitsivoq Tamatuma saniatigut piffissaq mannguffiusoq sikuujaanermut 200.000 koruuninik aningaasartuuteqarfiuvoq. Nittaannerusarsimanera apummik 450.000 korunit nalinganut assartuisarsinnermit takussuserneqarpoq.

Ukiup siulianituulli apisarsimasuuppat, ukiup naalernerani missingersuutinin sanilliullugu 1 mio. koruuninik atuisoqarnerusimassagalarpoq.

Kalaalimineerniarfik:

Kalaalimineerniarfiup atuinnermi procentia 43%-imiippoq, matumani missingersuutinin nikingassut pingaarnertut akunnermusialinnut akissarsianut aningaasartuuteqarnerujussuarmik peqquteqarpoq. Akissarsianut aningaasartuutit appartinneqassappata, kalaalimineerniarfiup ammasarfii sivikillineqartariaqarput. Ullumikkut kalaalimineerniarfik sapaatip akunnerisa ulluini tamani ammasarpoq. Kalaalimineerniarfik ulluni nalinginnaasumik kaaviiartitakiffiusuni, assersuutigalugu arfininngornermi, matoqqasaleraluarpat akissarsianut aningaasartuutinin atuinnermut procenti missingersuutinin naapertuunneruleriartussagalarpoq. Sisimiuni Maniitsumilu kalaalimineerniarfiit arfininngornikkut matoqqasarsinnaanerit, 150.000 koruunit missaannik naleqarpoq.

Maniitsoq:

Ukioq manna Maniitsumi assut apinikuuvoq. Januaari tamangajalluinnarmi apivoq, taamaattumillu aqquserngit ammaannarnissaat anguniarlugu. sulisussanik atortussanillu amerlanerusunik pissarsiniartoqarsimavoq.

Ullumikkut aningaasaliissutaasuniit 2.693.516,00,- koruuninut atuineq procentinngorlugu 76,58 procentimiippoq.

Qaammatinik pingasukkaarinermi siullermi sisamaanilu aputaajaanerit ingerlanneqarnerusarput. Tamatuma saniatigut qamutinin nungullarsimasunut iluarsartuussinnermut aningaasartuut sulii qaffasipput.

Sanaartornermik ingerlatsinerit

Anlægsafdeling	Oprindeligt Budget 2022	Omplaceringer 2022	Tillægsbevillinger 2022	Korrigeret Budget 2022	Realiseret beløb 2022	Forbrugs Pct 2022	Restbudget 2022
562040600 - SIS Anlægsafdeling	68.126.500,00			68.126.500,00	8.681.695,59	12,74 %	59.444.804,41
563030600 - MAN Anlægsafdeling	28.548.000,00			28.548.000,00	8.061.893,45	28,24 %	20.486.106,55
Total	96.674.500,00			96.674.500,00	16.743.589,04	17,32 %	79.930.910,96

02-05-2022-mi sanaartornermut missinertuutini 16,743 mio. koruunit atorsimaneqalereerput, sanaartornermut missingersuutit 17,32 procentalugu. Sanaartornermut aningaasaliissutinik atunngitsuukkanik 2021-miit 2022-mut nuunneqartussatut naatsorsuutigisat 190 mio. koruunit missaanniipput, taakkulu nalunaarsuutini sulii ilanngunneqaratik.

Sisimiut eqqaani 2022-mi aprilimi sanaartornermik suliat angisuut tassaapput:

Akiani ulluunerani paaqqinnittarfik 4 naammassivoq ulloq 1.4.2022-mi tunniunneqarluni, aamma 29.4-mi atserneqarneranut atatillugu illu ammatinneqassaaq.

Sarfanguani illu tamatigoortoq ukuiunerani uninngatinneqarallarpoq.

Kommunip pilersaarutaanut tapiliussami 19-imi sanaartorfigissaaneq ukuiunerani uninngavoq, taamaannerani Akiani kommunip pilersaarutaanut tapiliussami 30-mi sanaartorfigissaanermut atatillugu qaartiterineq aallartinneqarpoq.

Kangerlussuarmi utoqqarnut inissiat marluk aallartinneqarnikuupput, toqqavissaq naammassinikuuvoq, illutaasa sanaartornissaannut suliarinnittussarsiuussineq ingerlanneqarnikuulluni, takuuk tamanna pillugu ullormut oqaluuserisassani immikkoortup aappaa,

Sisimiuni Jaakunnguaq Aqquata eqqaani kangiani kuuffissualersuinissamut, entreprenørimik isumaqatigiisummik atsioqatigiittoqarpoq, atortussallu piniarneqareerlutik. Sisimiut – Kangerlussuullu akornanni ujaraaqqanik aqqusinerngup pilersaarusiorneranut atatillugu misissueqqaarnernut aamma nunamik misissuineranut atugassatut siunnersuut suliarineqarnikuusoq, suliarinnittussarsiuunneqarpoq. Kulturikkut illorsuup aalilerneqarnera, nipilersornermik ilinniartimmik atuakkanillu atorniartarimmik ilaqartoq aallartinneqarnikuuvoq, illup sannai savimerngit inississorneqarnerat ingerlavoq.

Sisimiuni naluttarfimmut atugassatut siunnersuut, aningaasaateqarfinnut qinnuteqarnissamut siunnersortimit tunniunneqareerpoq.

Maniitsup eqqaani 2022-mi aprilimi sanaartornermik suliat ingerlanneqartut tassaapput:

Ilaqutariinnik inerisaaviup inaarsarneqarnera,

Sulisunut inissiat aqqaneq-marluk inaarsarneqarput.

Ungusivimmi aamma inuussutissarsiuuteqarfinni sanaartorfissagissaanerit ukuiunerani uninngagallarput.

Maniitsumi iliveqarfimmik alliliineq aallartinneqarnikuuvoq,

Kangaamiuni iliveqarfiup tunngaanut aqqusineq aallartinneqarnikuuvoq.

Kangaamiuni atuarfiup nutarsarneqarneranut atatillugu atugassatut siunnersuut suliarineqarnikuuvoq, takuuk tamanna pillugu ullormut oqaluuserisassani immikkoortup aappaa,

Kilaaseqqap atuarfianut atuarfiup sanaartorneqarneranut ataatsimiititaliaq, sanaartornermut pilersaarummik suliaqarniarluni ataasiarluni ataatsimiinnikuuvoq.

Atammimmi inuusuttunut inissiat pingasut suliarinnittussarsiuunneqarnikuupput, aningaasaliissutinik sinaakkutaannik iluarsinissaq pillugu kommunalbestyrelsi paaqqimaarneqarpoq.

Maniitsup kitaatungaani kuuffissualersuinissamut entreprenørimik isumaqatigiisuteqartoqareerpoq, atortussallu piniarneqareerlutik.

Maniitsumi naluttarfimmut atatillugu atugassatut siunnersuut siunnersortip suliaaraa, peqatigiiffinit tusarniaanermut akissutit utaqqimaarneqarput.

Sumiiffinni marluusuni, illuutit nutarterneqarnissaannut, kuuffissuit nutarterneqarnissaannut, sunngiffimmi sammisassaqtitsinermut, avatangiisinik pitsanngorsaanssamut kiisalu aalisartut piniartullu atugaannik pitsanngorsaanssamut sulinissamut aningaasat atugassiisutit atorlugit ingerlaavartumik sanaartornermik suliat ingerlanneqarput.

Innersuussut

Teknikkeqarnermut Avatangiisinullu immikkoortortap Teknikkeqarnermut ataatsimiititaliamut aningaasaqarnermullu ataatsimiititaliamut innersuussutigaa:

Teknikkeqarnermut, Pilersuinermit Sanaartornermullu 2022-mi aprilimut nalunaarusiaq akuersissutigineqassasoq.

Aalajangiineq

Innersuussut akuersissutigineqarpoq, Maniitsumi AMA pulje misissuisoqassaaq, kalaaliminerniarfimmi sulisut amerlavallaarput, Kalaaliminerniarfik imaqarpiangitsoq sulisut sisamat.

Ilanngussat

1. Sisimiuni Maniitsumilu ingerlatsinermut atuineq pillugu nalunaarsuinerit immikkoortukkuutaarlugit.

Imm. 3.3 Kangaamiut Atuarfianik nutarsaanissamut atugassatut siunnersuut, aningaasaliissutinik iluarsiiisuteqarneq.

Journal nr. 23.02.06 ERP-mik suliniut 500026

Tunuliaqutaq

Kangaamiuni atuarfimmik nutarsaanissamik sanaartornissamut pilersaarut Ilinniartitaanermut ataatsimiititaliap 2021-mi decembarip arfernanni ataatsimiiinnermini akuersissutigaa. Siunnersortinik neqeroortitserernermi Rambøll pilersaarusionerme suliaqartussatut toqqarneqarpoq. Kangaamiuni Atuarfimmik alliliinissamut nutarsaanissamullu atugassatut siunnersuummik taakku suliaqarnikuupput.

Maleruagassatigut tunngavigisaaq

Qeqqata Kommunanut karseqarnermut naatsorsuuserinermullu malittarisassat.

Atuarfik pillugu Inatsisartut peqqussutaat nr. 8, 21. maj 2002-imeersoq.

Meeqqat atuarfiat pillugu immikkoortumut pilersaarut, ilanngussaaq 1-5-imik ilanngussalerlugu 2007-imi nutartigaq aammalu nunaqarfinni 45-nik imaluunniit 70-inik atuartulinnut Atuarfitsialak pillugu najoqqutassaaq 5-2.

Pissutsit atuuttut

Pilersaarusionerme suleqatigiissitaaq Sisimiuni Maniitsumilu Teknikkeqarnermut immikkoortortami, Ilinniartitaanermut immikkoortortami, Kangaamiut Atuarfiani sulisunik kiisalu atuarfimmii siulersuisuinik inuttaqartoq atugassatut siunnersuut pillugu pilersaarusionerluni ataatsimiinnermi peqataanikuupput.

Atugassatut siunnersuutip inersuarmut atuagaasivimmullu, perusersartarfinnik imermik kuutsittakkanik ilusilerlugu aammalu atuartitsiviit 609m²-m missaanut nutarsarnissaanut atuarfik marlunnik quleriinngortillugu ilassusissavaa. Naqqoq pukkitsoq ilanngunnagu ilassusiinerup nutarsaanerullu kingorna atuarfik 1179m²-mik angissuseqalissaaq.

Atuarfik tamarmiusoq nutaamik kissarsuuteqalissaaq, innaallagissamoortunik silaannarissarfeqalerluni aammalu LED qulliit atorlugit innaallagissanut atortulersuutai nutarterneqassallutik.

Kangaamiuni atuarfiup 2022-mi apriilip arfineq-pingajuanni atugassatut siunnersuutaagallartoq ilinniartitsisut inaata eqqaani atuagaateqarfimmik kissaateqarluni oqaaseqaatitalerlugu akuerissutigini kuuvaa, atugassatut siunnersuummi nutartikkami ilanngussami init alliit ilanngunneqarnikuupput.

Atuilluartuunissakkut kingunerisinnaasai

Atuarfimmik nutarsaaneq atuartunut illup iluani silaannarmik pitsaaneruseqalissaaq sulisunullu sulinerme silaannarmik pitsaaneruseqalissaaq. Atuarfimmik nutarsaanerme illup iluani silaannarmik pitsannguinnissamut silaannarissarfinnik mekaniskinik ikkussuisoqassaaq, pitsaaneruseqalissaaq nukimmik atuisiumik kissarsuutaa taarserneqarluni, illup iluani nutaatut sanaartorneqartuni oqorsarneqarnera pitsaanerussalluni kiisalu innaallagissamut sipaarutaasunik LED qullernernut qilaami qulliit taarsersorneqassallutik.

Aningaasaqarnikkut allaffissornikkullu kingunerisinnaasai

Kommunalbestyrelsen 2019-imi apriilip 25-anni ataatsimiinnerani Kangaamiuni atuarfimmik nutarsaanerme 4,130 mio. koruuninik ilassutitut aningaasaliisoqarpoq aamma siunnersuutaasut pingajuat toqqarneqarpoq, taamanikkut 22,753 mio. koruuninik akeqartussatut nalilerneqartoq. Piffissami tassani 10

**Teknikkeqarnermut ataatsimiititaliap majip 5-ni 2022 ileqquusumik ataatsimiinnerata 04/2022
imaqarniliornera**

sanaartornissamut aningaasartuutininik annertunerusumik nalilersuinissamut sanaartornissamut pilersaarummik suliaqartoqarnikuunngilaq. Ukioq missingersuusiorfiusumiit 2020-miit 2021-mut ERP suliniut 500026 *Atuarfimik nutarsaaneq Kangaamiut* 16,492 mio. koruunit nuunneqarnikuupput.

Siunnersortit missiliuutaat C malillugu atuarfimmik nutarsaanermut missiliuut C takutinneqartoq ilanngussaq 2-mi inissinneqaqqavoq. Taanna aningaasaliissutit tamakkiisumik 26,492 mio. koruuninngortillugit aningaasat sinnaakkutaasut 10 mio. koruuninik qaffanneqarnissaannut pisariaqartitsisoqartoq taktitsivoq. Taanna siunnersuut 3-mi toqqarneqartumut 22,753 mio. koruuninik sanaartornermut akitut kommunalbestyrelsip 2019-imi apriliip 25-anni aalajangiinermi paasissutissiissutigisaanut naapertuutingajappoq.

Aningaasat amigataasut 10 mio. koruunit ERP suliniut 500005 *Nunaqarfinnut & MAN inissianut aningaasaliissutinit* nuunneqassasut siunnersuutigineqarpoq, tassanngaanniit siusinnerusukkut suliniut 50000-001 *Meeqquerivik, meeraateqarfik Kangaamiut* aningaasanik nuussisoqarnikuuvoq. 2024-mi upernaakkut inaarsaanermik suliaqarnermik akiliuteqarnissamut aningaasanut kingullernut aatsaat pisariaqartitsisoqartoqartussaammatt, taakku 2 mio. koruunit ukiumut missingersuuteqarfiusumut 2024-mut nuunneqarnissaat aammalu 8 mio. koruunit ukioq missingersuuteqarfiusumut 2023-mut nuunneqarnissaat kinguartinneqarsinnaapput.

sæt kryds										Ændringer i overslagsår		
Tillægs- bevil.	Ompla- cering	Tekst	Afdeling	formål	art	sted	projekt gruppe	projektnummer	Beløb, Ompl. / tillæg	2022	2023	2024
	X	Ældreboliger fælles	562040600	0301040000	322140700	010580	1-20-15	500005	-10.000.000		-8.000.000	-2.000.000
	X	Skolerenovering Kangaamiut	562040600	0302015107	322140765	010573	1-47-15	500026	8.000.000		8.000.000	
	X	Skolerenovering Kangaamiut	562040600	0302015107	322140765	010573	1-47-15	500026	2.000.000			2.000.000

Atugassatut siunnersuut innaallagissamut atortulersuutininik inatsisitigoortitsinissamik, silaannarissarfinnik mekaniskiusunik pilersitsinermik aamma sanaartornermut malittarissassani nutaani piumasaqaataasutut qaliant majuarissamik tikikkuminarsaataasumik, oqartussat piumasaqaataannut naapertuuttumik naammattunik sakkortussusilinnik LED qullernut qilaami qullernik taarsersuineramik, perusersartarfiit amerlassussaannik naammattunik pilersitsinermik atuarfiup illutaanik kuuffissualiinermik kiisalu Sullivinnik Nakkutilliisoqarfip piumasaqaataanut naapertuuttumik sulisunut atortunik nutarsaanermik imaqarpoq.

Allaffeqarfiup naliinnera

2019-miilli ingammillu ukioq kingulleq sanaatornermi atortut annertuumik akitigut qaffariaateqarnikuupput akimillu qaffaaneq taanna ukiuni tulliuuttuni ingerlaannassasoq ilimagineqarpoq. Suliniummik piffissami kingusinnerusukkut sanaartugassanngorlugu kinguartitsineq sanaatornermut akinik qaffasinnerusunik tunisiinnarnissaa ilimagineqarpoq.

Atugassatut siunnersuut malillugu nutarsaanikkut nunaqarfinni atuarfinnut 70 tikillugit atuartulinnut Atuarfitsialammut amerlassusiliinermut naapertuuttumik ininik piumasaqaataasunik Kangaamiuni atuarfik peqalissaq.

Atuarfimmik nutarsaanerup annertussussaa annikillisinneqarsinnaanngitsutut ilimagineqarpoq, nutarsaanissami immikkoortut soorli kivitsissutit, igalaanik taarsersuinerit, illup saqqaanik oqorsaaqqinnerit, naqqup qalliutaanik taarsersuinerit aammalu illup iluani tamakkiisumik qalipaanerit atugassatut siunnersuumminngaanniit peerneqareermata. Nutarsaanerit taakkua illunik *nutarsaanermi aningaasaliissutini suliniut 500001* atorlugu suliarineqarsinnaapput.

Nutarsaaneq inini sanasarfimmi (sløjd), igasarfimmi (husgerning), biologi, fysik ininilu atuartitsivinni sisamani annikitsuinnermik ilaqarpoq, init taakku sulinermi soorlu ikuallattoornermi matunik

qimaaffissianik taamaallaat inatsisitigut peqartussammata, innaallagissamut atortulersuutinik inatsisitigoortunngortitsineq silaannarissarfiillu mekaniskiusut. Taamaalilluni atugassatut siunnersuutip annertussusaa oqartussat piumasaqaataannik Atuarfitsialaallu ingerlanneqarnissaanik naammassinninneruvoq.

Innersuussut

Teknikkeqarnermut ataatsimiititaliamut malitsigisaanillu Ilinniartitaanermut ataatsimiititaliamut, Aningaasaqarnermut ataatsimiititaliamut kommunalbestyrelsimullu innersuussutigineqarpoq:

- Pilersaarusiornepur ingerlaqqinnissaanut tunngavissatut atugassatut siunnersuut 26.4.2022-meersoq akuersissutigineqassasoq,
- ERP suliniut 500005-mit ukioq 2023-mi 8 mio. koruuninik aammalu ukioq 2024-mi 2 mio. koruuninik suliniut 500026 Kangaamiuni atuarfimmik nutarsaanermut 10 mio. koruunit nuunneqassasut

Aalajangiineq

Innersuussut taperserneqarpoq

Ilanngussat

1. Atugassatut sinnersuut Kangaamiuni atuarfimmik nutarsaaneq 26.4.2022-meersoq
2. Missiliuut C Kangaamiuni atuarfimmik nutarsaaneq 27.4.2022-meersoq
3. XL-fil nuutsinerit atuiffinnut allattuiffittallit

Imm. 4.1 2023-mut missingersuutitut ukiunullu missiliuuteqarfiusunut missingersuutitut kissaatit

Journal nr. 06.01

Tunuliaqutaq

2023-mut ukiunullu missingersuuteqarfiusunut 2024-2026-mut missingersuusiornissamut piffissaliussatigut pilersaarut Aningaasaqarnermut ataatsimiititaliamit aalajangersarneqarpoq. Ataatsimiititaliat soorlu Teknikkeqarnermut ataatsimiititaliaq siusinnerusukkut missingersuutitigut tallimanik kissaateqartarnikuulluni, ukioq manna 2023-mut missingersuutitut missingersuutit pillugit isumasioqatigiinnermut pingasunik missingersuutitigut kissaateqarsinnaavoq, 24.2.2022-mi Kommunalbestyrelsit imm. 4.11-mi aalajangiinera naapertorlugu.

Maleruagassatigut tunngavissaq

Qeqqata Kommuniani karseqarnermut naatsorsuuserinermullu malittarisassat.
Qeqqata Kommuniani aqutsinermut ileqqoreqqusaq

Pissutsit atuuttut

Qeqqata Kommuniata aqutsinermut ileqqoreqqusaani § 11-mi Teknikkeqarnermut ataatsimiititaliap immikkoortortat akisussaaffii pingaarnertut taaneqartut tassaallutik: avatangiisinut, aatsitassanut, teknikkimut, attaveqaasersuutitut, kommunip pilersuiviinut kiisalu sanaartornermut tunngassuteqartut. Kigullermik politikikkut aaqqiissuussaanermi aalisarnej piniarnerlu nunaqarfinnilu pissutsit ataatsimiititaliamut allamut tunniunneqarpoq.

Ukioq kingulleq ulloq 8.6.2021-mi sanaartornermut kissaatit Teknikkeqarnermut ataatsimiititaliami imm. 3.3-tigut eqqartorneqarput, tulliuttut siunnersuutigineqarlutik:

1. Sisimiuni Maniitsumilu majuartateqarfiit: toqqarneqartussa qeqqutaalluni 4,1-20,5 mio. koruuninik missingersuutitalik.
2. Atuiffik 72-42 "Kuuffissuit nutaat"-nut ukiumut 6 mio. koruuninik qaffaaneq.
3. Atuiffik 77-50 "sanaartorfissagissaanermut aningaasaliissutit"-nut ukiumut 13 mio. koruuninik qaffaaneq.
4. Sisimiuni kalaalimineerniarfik nutaaq, 10 mio. koruuninik nalilik, pioreersoq oqummit eqqugaanikummat.
5. Sisimiunut ingerlatsinermut missingersuutitut ukiumoortumik 1 mio. koruuninik aammalu Maniitsumut 0,5 mio. koruuninik missingersuutitigut qaffaaneq.
6. Upalungaarsimasut sulisumik ataatsimik, ukiumut 450.000 koruuninik akissarsiatigut aningaasartuuteqarfiusumik ilaneqarnissamik kissaateqarput.
7. Sisimiuni kommunip talittarfissaanik umiarsualivimmi selskabi aamma pitsanngorsaaneq: 20 mio. kr.
8. Innuttaasut amerlassusaat malillugu allaffissornikkut agguataarneqartussanik "0902030000: aqquserngit, ikaartarfiit majuartarfillu"-mut ingerlatsinermut aningaasaliissutinik ukiumut 5 mio. koruuninik qaffaaneq.
9. Sanaartornermut sullissisoq suli ataaseq: Akissarsianut atorfinitsitsinermullu atatillugu aningaasartuutitut ukiumut 500.000 koruunit.

10. Kommunimut tamarmut illuutunik aserfallatsaaliinermut aningaasaliissutit ukiumut 4 mio. koruuninik qaffaavigineqarnissaat.
11. 2023 aallarnerfigalugu ATV-nut aqquserngup ingerlanneqarneranut aserfallatsaaliineqarneranullu ukiumut 1 mio. koruunit.
12. Upalungaarsimasut atortuunik katillugit 7,3 mio. koruuninik naleqartunik nutarsaaneq, qatserussuit 4 mio. koruunillit aammalu annaassiniarnermut centralit.

2021-mit sanaartornissamut kissaatit, 8.6.2021-mi imm. 3.3-mi TA-p ataatsimiinnerani ersarinnerusumik nassuiarneqarput.

Ukiup ingerlanerani allaffeqarfik tullinnguuttutigut sanaartornermut kissaatinik tigusaqarpoq:

13. TAI-mi qamutit motoortortut nutaanngililluinnartunik taarsersuinissamut 2023-mit ukiumut 0,5-1 mio- koruuninik aningaasaateqarfik, ilanngussaq 1-mi ersarinnerusumik nassuiaat takuuk.
14. Illuutunik ingutseriaannarnik ingutserinermut 2023-mit ukiumut 0,5 mio. koruunit, 28.10.2021-mi Kommunalbestyrelsenip ataatsimiinnerani imm. 4.2-mut aalajangiinera takuuk.
15. ESANI-p eqqagassanut angallataata tikittarnerata akornanni, nunaqarfinni eqqagassanik toqqorsivissatut inissanik pilersitsineq, 2023-mi sanaartornissanut 2 mio. koruuninik aningaasaliineq, ilanngussaq 2-mi annertunerusumik nassuiaat takuuk.
16. Tuapannguit Qeeqillu akornanni pisinnaat bussit unittarfiata tungaanut aqqusineqqamik nutarsaaneq, 2023-mi sanaartornissamut 1 mio. koruunit, ilanngussaq 3-mi annertunersumik nassuiaat takuuk.

Atuilluartuunissakkut kingunerisinnaasai:

Sanaartornermut kissaatit sorliit piviusunngortinneqarnerat apeqqutaalluni, atuilluartuunissamut kingunerisinnaasat assigiinngillat.

Aningaasaqarnikkut allaffissornikkullu kingunerisinnaasai

Allaffeqarfimmit siunnersuutigineqarpoq, ataatsimiititaliaq siuliani allattorsimasut imaluunniit ataatsimiititaliami ilaasortanit kissaatit nutaanit, sanaartornermut kissaatinik pingasunik toqqaassasoq. 2022--mut missingersuutitut nassuiaammi sanaartornermut missingersuutit piusut allassimapput. 2021-mut missingersuutini sanaartornermut aningaasaliissutit atunngitsuukkat, matumani takuneqarsinnaanngillat, naatsorsuutit sulii naammassineqanngimmata.

Sisimiuni Maniitsumilu sanaartukkat agguataarneri imaaliillaanaq saqqummiunneqarsinnaanngikkallarput, aningaasat konto-ni 'tamanut' (fælles)-ini atorneqarsimasut ataasiakkaarlugit immikkoortiteqqaagassaammata, imaluunniit controllerit immikkoortiterisinniannikkaanni. ERP-mi atorsimasat 2020-imut immikkoortitigassaapput, winformatikkimilu 2012-imut Sisimiuni talittarfiliaq ilanngunneqassappat. Massakkumulli sanaartukkat Maniitsumi ukuupput; familiecenter, illuliassat tallimat, sulisunut inissiat 12-it, Atammimmi inuusuttunut inissiat, atuarfimmik nutarterinerit Kangaamiuni Maniitsumilu.

Sisimiuni kluturip illorsuata allilernera, meeqqerivik, utoqqaallu inissiat 12-it. ATV-inut aqqusiaq 'tamakkiisutut' taaneqapajaarsinnaavoq, Maniitsumut takornariaqartitsinissaa naatsersuutaammat. Inuttussutit aallaavigissagutsigit, Maniitsumi sanaartukkat Sisimiunut sanilliullugit amerlanerupput.

Allaffeqarfiup naliliinera

Siunnersuutitut nutaanut allaffeqarfiup oqaaseqaatai ilanngussami atuarneqarsinnaapput. Maluginiarneqassaaq, sanaartornermut kissaatit suliarineqarsinnaaqqullugit, sumiiffiit

ersarissarneqassasut, kissaatigineqartoq ”Sisimiuni Maniitsumilu”-mik oqaasertalerneqarpat, tamanna kissaatitut marluttut naatsorsorneqassaaq.

Innersuussut

2023-mut missingersuutinut ukiunullu missiliuuteqarfiusunut 2024-2026-mut ingerlatsiner- aamma sanaartornermut kissaatinik amerlanerpaamik pingasunik toqqaanissaq, Teknikkeqarnermut ataatsimiititaliamut aalajangigassanngorlugu innersuussutigineqarpoq.

Aalangiineq

TA kissaat 1: Qamutit motorillit taarserneqarnissaanut aningaasaliissutit 1 mio.

TA kissaat 2: Maniitsumi majuartaat, sisorartartut atungassaanik pitsanngorsaaneq 5 mio

TA kissaat 3: Illoqarfiup atortulersaarutaanut isatingassanut aningaasaliineq 10 mio

Ilanngussat

1. Missingersuutitigut kissaat 13, qamutit motorillit taarsersorneqarnissaannut aningaasaliissutit,
2. Missingersuutitigut kissaat 15, nunaqarfinni eqqagassanik toqqorsivissatut inissaq.
3. Missingersuutitigut kissaat 16, Sisimiuni Tuapannguit Qeeqillu akornanni pisuinnaat bussit unittarfiata tungaanut aqqusineqqamik nutarsaaneq

Imm. 4.2 Tulukkat, uumasut ajoqutaasut.

Journal nr. 81.05.06

Tunuliaqutaq

Kommunimi tulukkat amerlassusaasa ikilisarneqarnissaat, kiisalu tulukkanut toqunneqartunut akissarsiaqartitsisoqarnissaanik, Kommunalbestyrelsimi ilaasortaq Karl Lyberth Teknikkeqarnermut Ataatsimiititaliamut siunnersuuteqarpoq.

Maleruagassatigut tunngavigisaq

Timmissanik illersuineq piniarnerlu pillugit Namminersorlutik Oqartussat nalunaarutaat nr. 17, 28. oktober 2019-imeersoq
Qeqqata Kommuniani politiinut ileqqoreqqusaq.

Pissutsit atuuttut

Tulukkat sumiiffinni neriniarfigisinnaasani uumasuupput. Nalinginnaasumik illoqarfinni nunaqarfinnilu eqqaaveqarfinni nerisassarsiortarput, ilaatigullu aamma nerukkaatinik kalaaliminernillu panersianik nettinilluunniit assiaquteqanngitsunik neriniartartuullutik.

Eqqaavissuit nerineqarsinnaasunut ilitisiviunngitsut ingerlanneqarsinnaappata tamanna iluaqutaasussaavoq. Sisimiuni tulukkat eqqaavissuarni neriniarfeqartarput, ikuallaaviup malinnaasinnaanginneranik peqquteqartumik. Aaqqiissutissaasinnaasorli, ikuallaavissuit nutaat atuutilereernerini aatsaat siunissami ungasinnerusumi pisinnaavoq.

Inuit immikkut akuersissutillit kisimik illoqarfimmi tulukkanik aallaaniarsinnaapput. Nalinginnaasumik kommunimi atorfillit taamaattumik akuersissummik pisinnaapput. Qeqqata Kommuniani politiit ileqqoreqqusaat naapertorlugu, illoqarfiup nunaqarfiullu iluani, taamatullu illoqarfiusuni 500 meteri killillugu aallaasersortoqaqqusaanngilaq. Sisimiut illoqarfiata kangiatungaani qimmeqarfik aamma sanaartorfittut atuuppoq.

Illoqarfiup sanaartorfiusup avataani aallaasersorsinnaaneq tamanut atuuppoq. Taamaalilluni tulukkanik piniarfiup nalaani kikkulluunniit qanorluunniit amerlatigisunik aallaaniarsinnaapput. Taamaatorli sanaartorfiusumut 500 meterimik qaninnerunngitsumi.

Timmissanik illersuineq piniarnerlu pillugit nalunaarut 2019-imeersoq malillugu, nalunaarutip atuutilerneraniik ukiuni tallimani killeqanngitsumik misiliutaasumik piniartoqarsinnaavoq, tassa 2019-imi oktoberip 28-ianniik. Taamaalilluni tulukkat (kiisalu naajat naajarluillu) ukiut tallimat ingerlanerini, matumani 2024-mi oktoberip 24-ata tungaanut taakkua aallaaniarneqarsinnaapput, tassa januaarip aallaqqaataanniit decembarip 31-ata tungaanut.

Ataatsimiititaliami 2001-miit siumut sulianik ujartornermi tulukkat isigaannut akissarsiaqartitsinissamut aalajangiisimanermut tunngatillugu takusassaqaanngilaq. Taamaalilluni aalajangiisimaneq qangaanerusuminngaaneerpoq. Terianniat/tulukkat/naajat akornutaaneritut tunngasut suliat pingasut takuneqarsinnaasut qaqinneqarput: Sisimiunut tunngasoq 2007-ernisaq, Maniitsumut tunngasoq 2014-ernisaq Sisimiunullu tunngasoq 2019-ernisaq.

Piniarsinnaaneq siuarsarniarlugu ilaatigut tulukkat isigaat akeqalersinneqarsinnaapput.

2003-miit 2021-mut aalajangersimasumik akit misissornerini tulukkat isigaannut akissarsiaqartitsisoqarsimaneranik ersittoqaanngilaq.

2019-imut missingersuusiani nutaanngitsuni Kangerlussuarmi terianniat pamiuninut missingersuutaasoq 0,- koruuniuvoq, atuisimanerlu 750,- koruuniulluni.

Sarfanguit, terianniat pamiuanut missingersuusiat 9000,- koruunit, atuineq 375,- koruunit.
Itilleq, missingersuusiat 9000,- koruunit, atuineq 300,- koruunit.
2019-imi Sisimiuni terianiat pamiuinut tulukkallu isigaannut missingersuusiortoqarsimaneranik
ersittoqanngilaq.
Uumasut ajoqutaasinnaasunut tunngatillugu 2019-imi Maniitsumut nunaqarfiinullu
missingersuusiaqartoqarsimaneranik ersittoqanngilaq.
2008-miit 2018-imut missingersuusiani terianniat pamiuinut atuiffiup normua kiisalu ukiut ilaanni
atuisimaneq kisimik ersipput. Aningaasaliissutinilli peqanngilaq nunaqarfiinnuinaallunilu.
Missingersuusiani misissorpeqartuni tulukkat isigaat eqqaaneqarsimangillat.
Tulukcalli isigaannut akissarsiaqartitsisoqartarnikuuneq sulisunit utoqqaanersusunit eqqaamaneqarpoq.

Atuilluartuunissakkut kingunerisinnaasai

Tulukkanit naajanillu nerineqarsinnaanngitsunit uumassusilinniit eqqagassanik atuineq aammalu
kalaaliminernik panertitsisarneq atuilluartuuneruvoq.

Aningaasaqarnikkut allaffissornikkullu kingunerisinnaasai

2023 aallarnerfigalugu ukiuni marlunni misiliutitut tulukkat isigaannut illugiinnut akissarsiaqartitsinermut
siunnersuut ukiumut 10.000 koruuninik naleqassaaq.

Allaffeqarfiup naliinnera

Kikkulluunniit aallaasillit piumassutsimik illoqarfiup nunaqarfiullu avataani tulukkanik
aallaaniarsinnaapput. Tulukkalli silappaarissuupput, aallaammilluunniimmi tigummiartumik
ilisarinninnissaq ilikkapallassinnaasarlugu. Taamaammallu taamatut ikilisaaniarneq qaqutigunnaq
iluatsissinnaasarpoq. Kangerlussuarmini kommunip sulisua eqqaavissuarmini tulukkanik aallaaniarnissamut
akuerineqarnikuuvoq, ikittuinnaalli aallaaneqarsinnaasimapput, taamaalillunilu suliniutaasoq
annertunerusumik iluaqutaasimanani. Tassa Tulukkat inuk aallaammik tuigummiaqartoq imalunniit
tigumiaqanngitsoq immikkoortissinnaasarmassuk. Aallaaseqartumik takusaqaraangamik ingerlaannaq
qimaguttarput.

Tulukkat isigaat illugiisillugit 25 - 50 koruunilerlugit neqeroortiginerini kommunimut
aningaasartuutissaq annikitsuararsusussaavoq. Taamatullu misiliineq, ass. ukiuni tulliuuttuni
ingerlanneqarsinnaavoq.

Ukiumi siullermi tulukkat isigaat illugiisillugit 25,- koruuninut misilinneqarsinnaavoq, inuillu tulukkanik
aallaaniarnissamut kajumissusiat eqqarsaatigalugu, assigiinngissuteqarnerisooq takoriarlugu ukiup tulliani
50,- koruuninngortillugu.

Innersuussut

Teknikkeqarnermut ataatsimiititaliamut innersuussutigineqarpoq

- Inuit tulukkat isigaat illugiisillugit ukiumi siullermi 25,- koruuninik, ukiullu tulliani 50,-
koruuninik aningaasarsialerlugit aallaannissinnaaneq neqeroortigineqassasoq.
- Illoqarfinni marluusuni nunaqarfinnilu tamarmiusuni ataatsimut atugassanik, ukiuni siullerni
marlunni tulukkat isigaannut illugiinnut aningaasarsiasanun 10.000,- koruuninik, ingerlatsinermut
aningaasartuutiniit immikkoortitsisoqassasoq.
- Suliniut illoqarfinni marluusuni nunaqarfinnilu tamarmiusuni atuutinneqassasoq.
- Suliniut 2023-mi aallartissasoq, Kommunip akigititai 2023-moortut inissinneqareerpata.
-

Aalajangiineq

Innersuussut akuersissutingineqarpoq

Ilanngussat

1. Oqaluuserisassatut siunnersuut

Imm. 6.1 Maniitsumi Atuarfik Kilaaseqqap nutarsarneqarnissaanut sanaartornermut pilersaarutip killiffianik paasissutissiissut.

Journal nr. B-33 suliniut 500032.

Tunuliaqutaq

24.2.2022-mi Kommunalbestyrelsi ataatsimiinnermini, Maniitsumi Atuarfik Kilaaseqqap nutarsarneqarnissaanut, atuarfimmik sanaartornermi ataatsimiititaliami ilaasortanik katiterinermik aalajaangiivoq. Tamanna ilutigalugu atuarfiup nutarsarneqarnissaanut Teknikkeqarnermut ataatsimiititaliaq kiisalu Ilinniartitaanermut ataatsimiititaliaq aqutsisooqatigiinngortineqarput. Una aqutsisooqatigiinnut paasissutissiissutitut oqaaseqarfissatullu killiffimmik nassuiaaneruvoq.

Maleruagassatigut tunngavigisaq

Karseqarnermut naatsorsuuserinermullu maliittarisassat. TA sanaartornermut immikkoortumut akisussaasuvoq, IA-lu ilinniartitaanermut immikkoortumut akisussaasuulluni, Namminersorlutik Oqartussaniillu ataatsimut tapiissuteqarnikkut, atuarfinnik nutarterinissat kommunimut tunniunneqarluni.

Pissutsit atuuttut

Sanaartornermut ataatsimiititaliaq 8.4.2022 siullermeertumik ataatsimiippoq, takuuk ilanngussaq 1. 20.4.2022-mi atuartut amerlassusaat naatsorsorneqarput, takuuk ilanngussaq 2.

Atuilluartuunissakkut kingunerisinnaasa

Atuarfimmi sulisunut atuartunullu pitsaasumik sulinermi avatangiisinik kommuni pilersitsippat atuilluartuunerussaaq. Nutarterinermi oqorsaait pitsanngorsaavigineqassapput, taamaalillunilu illu ullutsinni nukissiuutitigut killigititaasunut piumasaqaataasunik malinnissinnaalissalluni. Illup kujammut sammisuata qaavani seqinisaatinik sanaartukkat attatiinnarniarneqassapput, annertusarneqarsinnaallutillu.

Aningaasaqarnikkut allaffissornikkullu kingunerisinnaasai

6.4.2022-mi pitsanngorsaanaissamut nutarterinissamullu kissaatit tigusalikkanut allattorsimafik ilanngussaq 3-tut nalunaarsoqqavoq, allattorsimaffik ilaartorneqarnissaminut, nutarterneqarnissaminut pingaarnersiorneqarnissaminullu sulii amigaateqarpoq.

Allaffeqarfiup naliinnera

Atuarfinni kigutileriffiit initai pillugit siunissaq pillugu Namminersorlutik Oqartussat 25.4 nalunaarutigaa kigutileriffiup 2022-mi augustimi missaani peqqinnissaqarfimmuut nuunneqarnissaa naatsorsuutigineqarma, init septemberimi utertinneqassasut.

Atuarfimmi initigut takussutissartaa suliarineqaleruttoq, avannamut kitaatungaani inissiaq ataatsimik sinittarfilik najugaqarfigiunnaarnikummat, atuareernerulli kingorna paaqqinnittarfiup/immikkut atuartitsinermit ilaalernikummat ilanngunneqassaaq, kigutileriffiup initai pillugit ersarissarneqarnissaat utaqqineqarpoq. Innuttaasunut atuakkanik atorniartarfiup kiisalu atuarfimmi atuakkanik atorniartarfiup ataatsimuulersinneqarsinnaanerit pillugu ersarissarneqarnissaa amigaatigineqarpoq.

Teknikkeqarnermut Avatangiisinullu ingerlatsiviup kiisalu ilinniartitaanermut ingerlatsiviup innersuussutaat

Allaffeqarfiup Teknikkeqarnermut ataatsimiititaliamut aammalu Ilinniartitaanermut ataatsimiititaliamut innersuussutigaa:

Aalajangiineq:

Killiffik eqqartorneqassasoq, oqaaseqarfigineqassasoq tusaatissatullu tiguneqassassoq.

Ilanngussat:

- ilannugsaq 1: Sanaartornissamut ataatsimiititaliap 8.4.2022-mi ataatsimiinneranit imaqarniliaq.
Ilanngussaq 2: 20.4.2022-mi atuartut klassillu allattorsimaffiat.
Ilanngussaq 3: 6.4.2022-mit pitsanngorsagassanut nutartigassanullu kissaatit allattorsimaffiat.

Imm. 08 Tamalaat

- Gedion Lyberth (S) biileqarniarneq, maskiner, biler, leasing
- nunaqarfimmut angalanissaq
- Karl (N) Maniitsoq illoqarfiata qeqqat junimi KB-mi ilaassaaq